



Greenland Minerals Ltd.  
Att. John Mair

**Greenland Minerals Ltd.-p Aatsitassaqarnermi Avatangiisinut  
Aqutsisoqarfik pillugu Naalakkersuisut aalajangiinerannut missingiut**

Brevdato: 06-09-2019  
Sagsnr.: 2019-17942  
Akt-id: 11380938

Postboks 1614  
3900 Nuuk  
Tlf. (+299) 34 50 00  
Fax (+299) 34 54 10  
E-mail: pan@nanoq.gl  
www.naalakkersuisut.gl

Greenland Minerals (matuma kinguliani GML) Kuannersuarni aatsitassarsiorfiliorsinnaaneq pillugu misissuinissamut akuersisummit peqarpoq. GML 2. december 2015-imi suliassaq pillugu ASN-imut nassuaammut missingiut siulleq Aatsitassarsiornermi Avatangiisinut Aqutsisoqarfimmut (matuma kingorna Avatangiisinut Aqutsisoqarfik) nassiuppa. 2017-imi apríilimi nassuaammi paasissutissat ilaasa annertusineqarnissaat erseqqissarneqarnissaallu pisariaqartinneqartoq pillugu Avatangiisinut Aqutsisoqarfiup aalajangiinera tigoreerlugu, GML 31. august 2018-imi ASN-imut nassuaammut missingiut nutaaq nassiuppa. Missingiut taanna qaammatini tulliuttuni suliarineqarpoq, aammalu 21. marts 2019-imi Avatangiisinut Aqutsisoqarfiup GML immikkoortuni arlalinni nassuaat ilassuteqarfígeqqullugu.

Tamatuma kingorna GML mail-ikkut, 4. april 2019-imeersukkut Avatangiisinut Aqutsisoqarfimmut allakkami 21. Marts 2019-imeersumi qinnuteqaatigineqartumut akerliliissuteqarpoq, tamatumalu peqatigisaanik Avatangiisinut Aqutsisoqarfiup suliamik suliarinninneranut arlalinnik annertuunik isornartorsiuvilluni. Isornartorsiinerit taakku pingaartumik Avatangiisinut Aqutsisoqarfiup ASN-imut nassuaammik suliaqarnermini tunngavigisaanut aallaavigisaanut tunngasuupput, tassani aatsitassarsiornermi suliat pisariusorujussuartut, aammalu avatangiisinut ulorianartorsiusrusinnaasunik pingaarutilinnik ilaqtutut GML-imit isumaqarfigineqarlutik. Pingaartumik GML-ip siunnersuisuinit, Arcadis-imit aamma ERM-imit oqaaseqaatit pissarsiarineqartut innersuussutigalugit GML isumaqarpoq, suliaq pisariunani lu pinartorsiufiungitsoq, aammalu Avatangiisinut Aqutsisoqarfik ASN-imut nassuaammi paasissutissiinissamut tungavissanut piumasaqaatinik ingasaassisutut pisuutinneqarpoq, taakkununngal pujoralannut qinngorernullu tunngatillugu paasissutissanik katersuinissaq ilaatinneqarpoq. Kiisalu Avatangiisinut Aqutsisoqarfiup paasissutissanik amerlanerusunik qinnuteqarnera pisariaqanngitsumik uteqqiinernik imaqartoq, tamatumalu kingunerisaanik suliaq sivisualaalissasoq, aammalu GML-imut aningaasartutinik amerlasuunik kinguneqassasoq GML-imit isornartoqartinneqarpoq.

Avatangiisinut Aqutsisoqarfiup siunnersortaasa, DCE-p – Nationalt Center for Miljø og Energi - aamma Pinngortitaleriffiup ilisimatusarnikkut piginnaaneri GML-ip qularai. GML isumaqarpoq, Avatangiisinut Aqutsisoqarfik GML-ip

ASN-imut nassuaammut missingiusiaanik sulianik ilisimasalittut kinaassusersiunngitsutullu naliliisimanngitsoq, kisiannili GML naammaginanngitsumik naleqqutinngitsumillu sullissimagaa. Aatsitassarsiorernut allanut, soorlu Citronenfjord-imut aamma Tanbreez-ip sulianut sullissinermut atatillugu piumasaqaatinut assingusunik piumasaqaateqartoqarsimannginnera GML-ip innersuussutigaa.

GML-ip saaffiginnissutaa Avatangiisinut Aqutsisoqarfik pillugu maalaaruteqarnertut isigineqartariaqarpoq, taamaattumillu Naalakkersuisut Pinngortitamut Avatangiisinullu Naalakkersuisoqarfik aqqutigalugu maalaaruteqarnermi suliamik aallartitsipput.

Tamatumunnga atatillugu Naalakkersuisut Avatangiisinut Aqutsisoqarfik oqaaseqaateqartippaat, kiisalu siunnersuisuusut marluk, DCE aamma Kalaallit Nunaanni Pinngortitaleriffik oqaaseqartillugit. Oqaaseqaatit taakku mail 12. juni 2019-imeersoq aqqutigalugu Pinngortitamut Avatangiisinullu Naalakkersuisoqarfimmiit GML-imut nassiunneqarput, GML oqaaseqaatissaqarpat, tamatuma kingusinnerpaamik juunip ulluisa 26-anni pinissaa qinnuteqaatigalugu.

17. juni 2019-imi GML-ip oqaaseqaatini mail-ikkut Avatangiisinut Aqutsisoqarfimmut nassiuppar, tassanngaanniillu Pinngortitamut Avatangiisinullu Naalakkersuisoqarfimmut ingerlateqqinneqarput. Oqaaseqaatini pingartumik allassimavoq, ASN-imut nassuaammut missingiutip aappaa, 2018-imi Avatangiisinut Aqutsisoqarfimmut nassiunneqartoq ASN-ip suliarineqarnerata pitsaanerulersinneqarnissaa siuarsarneqarnissaalu siunertalarugu Avatangiisinut Aqutsisoqarfiup pisortaata ersarissumik siunnersuuteqarnera tunngavigalugu siunnersorteqarfik attuumassuteqanngitsoq, nunanit tamalaanit akuerisaasoq ikiortigalugu suliarineqarsimasoq. GML ilassuteqarpoq, Avatangiisinut Aqutsisoqarfiup suliamik suliarinninnera naammaginanngitsumik arriitsumik pisariusumillu ingerlanneqarsimasoq suli isumaqartoqartoq.

Kiisalu oqaaseqaammi allassimavoq, GML-ip Avatangiisinut Aqutsisoqarfiup nassuaataa 12. juni 2019-imeersoq sukumiisumik misissoqqissaarniaraa, immikkoortunullu allanut tunngasut pillugit uterfiginneqqinniartoq. Tamannali pisimanngilaq.

Søren Hald Møller-ip 2018-imi ASN-imut nassuaammut missingiutip nutaap suliarineqarneranut atatillugu siunnersortimik allamik atuisoqarnissaanik GML-imut siunnersuuteqarsimanera pillugu paassisutissaq Naalakkersuisut Søren Hald Møller-imut saqqummiuppaat. Søren Hald Møller ilisimatitsivoq, Avatangiisinut Aqutsisoqarfimmi pisortatut 2015-imi februaarimi tunuarsimalluni, taamaattumillu tamatuma kingorna ASN-imut nassuaammut atatillugu GML-ip qinnuteqaataata suliarineqarnera akisussaaffigisimanagu. Søren Hald Møller ilassuteqarluni oqarpoq, Naalakkersuisut Siulittaasuata Naalakkersuisoqarfiani naalakkersuisoqarfimmut pisortatut GML-imeersunit akuttunngitsumik saaffigineqartarsimalluni, apeqqutit Aatsitassarsiornermi Avatangiisinut

Aqutsisoqarfíup piginaasaqarfianut atasut isummerfigineqarnissaannik misiliisunit, tamatigullu GML oqartussaasunut piginnaasaqartunut innesuuttarsimagini.

Kiisalu matumani piumasaqaatit, Avatangiisinut Aqutsisoqarfíup ujarlernissamut akuersissutinik pigisaqartunut allanut, soorlu Citronenfjord-imut, Tanbreez-imut il.il. piumasaraisi assersuumneqarmata, Naalakkersuisut Avatangiisinut Aqutsisoqarfík qinnuigaat, GML-ip ASN-imut nassuaatip akuerineqarnissaanik qinnuteqaataata suliarineqarnera qanoq ingerlasimanersoq paasissutisseeqqullutik. Avatangiisinut Aqutsisoqarfíup nassuaammi, 13. august 2019-imeersumi ilisimatitsissutigaa, GML-ip qinnuteqaataa aatsitassarsiornermut inatsit maleruagassallu tamanut tunngasut, Naalakkersuisut akuerisimasaat naapertorlugit suliarineqarsimasoq, kisiannili aatsitassarsiornermut inatsisip allannguteqarnerata kingunerisaanik tusarniaasarneq annertusineqarsimasoq, taamatullu maleruagassat tamanut tunngasut siornatigut aatsitassarsiornermut atuussimasunut naleqqiullutik allanngortinnejqarsimasut.

Tamatuma saniatigut Avatangiisinut Aqutsisoqarfíummit tikkuarneqarpoq, qinnuteqartut assigiimmik pineqarnissaannut pisussaaffeqarnermi, ASN-imut nassuaammi piumasaqaatinut ilaatigut uku apeqqutaasussaanerat tunngavigineqarmat:

- Suliap sumiiffia, tassungalu ilanngullugu suliaq inuit najugaqarfíinut qanittumiinnersoq qanittumiinnginnersorluunniit, uumasoqarfínnut naasoqarfínnullu sunnertiasunut qanittumiinnersoq, sumiiffimmi inuussutissarsiutinut allanut mernguersarnermullu atorneqartumiinnersoq, sumiiffik eqqisisimataanersoq assigisaaluunniit,
- Nunami isumalluut ingerlatseqatigíiffíup piiagassatut kissaatigisaa suunersoq,
- Isumalluutinik pineqartunik piiaanissamut suliassat suleriaatsillu suut pisariaqartinnejqarnersut,
- Atortussat qanoq annertutigisut ingerlatseqatigíiffíummit píiarneqarusunnersut (suliap annertussusia, kiisalu tassunga atatillugu aamma ingerlasussanik aaqqissuussinerit piareersaanerillu aammalu attaveqaatit suut pisariaqartinnejqarnersut.

GML-ip ujarlernissaanut akuersissutip, taamaattumillu ASN-imut nassuaatip immikkoorutigaa, Kuannersuarni piiaffiusussaq, Kalaallit Nunaanni aatsitassarsiornermi kisiartaalluni radiup qinngornerinik, tassalu uran-imik thorium-imik akulinnik piiaviusussaammat, taamaattoqarneralu eqqagassanik radiup qinngornerinik akulinnik passussinissamut piumasaqaatinik arlalinnik nassataqarmat, tassungalu pingaartumik ujaqqanik piiaanermi sinnikunik qaleriissanillu aammalu radiup qinngornerinik akulinnik piffissami sivisuumi uninngatitsinissaq ilaatinnejqarpoq. Piumasaqaatit Kalaallit Nunaata Nunani Tamalaani Atomimik Nukissiuuteqarnermi Sullissivimmi, IAEA-mi, eqqagassanut isumaqatigiisummut akuersismanerata, taamaalillunilu IAEA-p inassuteqaataanik malinnittussaanerata, aammalu akuutissanik atortunillu radiup qinngornerinik akulinnik suliaqarneq pillugu nalunaartussaanerata kingunera. Tamatumunnga atatillugu Avatangiisinut Aqutsisoqarfík ilisimatitsivoq,

nunarsuarmi sumiiffinni amerlasuuni ujaqqat sinnikuisa piffissami sivisuumi panertumi uninngatinneqartarnerat periaatsitut pitsasutut isigineqartoq, taamaattumillu GML-ip Tasermi masattumi piffissami sivisuumi uninngatitsinissamik toqqaanera paassisutissat uppermarsakkat atorlugit tunngavilersuiffigineqarnissaa pisariaqarpoq.

GML tusarniaanermi allakkamut, 12. juni 2019-imeersumut oqaaseqaatinik nassiuressinermut peqatigitillugu ASN-imut nassuaammut missingiummik nutaamik, Avatangiisinut Aqutsisoqarfimmi suliarineqartumik nassiusisimasoq Naalakkersuisut kiisami paassisutissinneqarput. Aamma missingiutip nutaap taassuma nassiuinneqarneranut atatillugu maalaarut 4. april 2019-imeersoq pillugu GML-imit oqaaseqaatinik tigusaqartoqarsimanngilaq. Tamanna tunngavigalugu Naalakkersuisut isumaqarput, maalaarummut 4. april 2019-imeersumut aalajangiisoqartariaqalersoq.

### **AALAJANGIINEQ**

Naalakkersuisut GML-ip maalaarutaa 4. april 2019-imeersoq tunngavissaqarsorinngilaat, aammalu GML paassisutissanik, Aatsitassaqarnermi Avatangiisinut Aqutsisoqarfip isornartorsiorneqarneranut tunngavissaasinnaasunik saqqummiussisimanngilaq.

GML peqqussutinik, Aatsitassaqarnermi Avatangiisinut Aqutsisoqarfip aalajangiinerini aalajangersarneqartunik malinninnissamut Naalakkersuisunit peqquneqarpoq.

Naalakkersuisut aalajangiinerat manna allaffisornermi oqartussaasunut allanut ingerlateqqinneqarsinnaanngilaq.

### **TUNNGAVILERSUUT**

Aatsitassaqarnermi Avatangiisinut Aqutsisoqarfik Aatsitassaqarnermut Inatsimmi oqartussaasutut attuumassuteqanngitsutut pilersinneqarsimavoq, taassumalu aatsitassarsiornermi avatangiisinik illersuinissamut maleruagassat, Aatsitassarsiornermut Inatsimmi § 51-87d-miittut aqunneqarnerat suliassaralugu. Taamaalliluni nunani tamalaani suleriaatsip pitsasup malinnejarnissaa Avatangiisinut Aqutsisoqarfip qulakteertussaavaa, tak. aatsitassaqarnermut inatsimmi § 1, imm. 2, aammalu Avatangiisinut Aqutsisoqarfik qinnuteqaatit avatangiisinut tunngasortaanik suliaqarnermini sullissivinnit attuumassuteqanngitsunit ilisimatusarnikkut siunnersuinernik pissarsiniartussaavoq, tak. aatsitassaqarnermut inatsimmi § 3a, imm. 4. Avatangiisinut Aqutsisoqarfik ilisimatusarnikkut sullissivinnut marlunnut pingaarnertut siunnersortaanissaq pillugu isumaqatigiissuteqarsimavoq, tassalu DCE – Nationalt Center for Miljø og Energi – ilisimatusarfik Aarhus Universitet-imut atassuteqartoq, aammalu Kalaallit Nunaanni Pinngortitaleriffik, Inatsisartut inatsisaat nr. 6, 8. juni 1994-imeersoq tunngavigalugu sullissivittut pilersinneqartoq.

Avatangiisinut aqutsisoqarfip oqaaseqaataani 12. juni 2019-imeersumi qupp. 12-imi allassimavoq, Avatangiisinut Aqutsisoqarfik 2016-imi juunimi Canadami

uranimut isumannaallisaanermut ataatsimiititaliamut (CNSC) pujoralatsitsisarneq pillugu, aammalu Canadami siunnersorteqarfimmut silaannarmik mingutsitsineq, ujaqqat sinnikui, ujaqqat qaleriissat, nunami kemiimut tunngasut aammalu imermut tunngasut (hydrologi) pillugit annertunerusumik siunnersorneqarnissamik pissarsiniarsimasoq.

Ilisimatusarnikkut siunnersuineq, Aatsitsaasaqarnermi Avatangiisinut Aqutsisoqarfimmit piniarneqartoq pitsaasuuunnginnerat, aammalu GML-ip siunnersortaasa naliliinerisa pitsaassusaannut naapertuutinnginnerat pillugu GML-imit taassumalu siunnersortaanit oqaaseqaatit Naalakkersuisunit naammaginanngitsutut tunngavissaqanngitsutullu isumaqarfingineqarput. Aatsitassarsiornermut Inatsit malillugu Avatangiisinut Aqutsisoqarfik qinnuteqaatini, ujarlernissamut akuersissutinik pigisaqartunit nassiunneqartuni paasissutissanut tunngaviusunik nammineerluni naliliinissamut pisussaaffeqarpoq, aammalu aqutsisoqarfiup soorunami imaaliinnarluni akuersisummik pigisaqartup nammineerluni siunnersortaasa naliliinerat tunngavigisinnaanngilai.

Suliap, tassungalu ilanngullugu piffissap suliamik suliaqarnermut atorneqartup ingerlaneranut tunngatillugu Naalakkersuisunit erseqqissaatigineqassaaq, Avatangiisinut Aqutsisoqarfiup GML-ip ASN-imut nassuaammut missingiusiaanik siullermik misissuereernermini, aammalu GML-imut tusarniaareernermini GML missingiummi siullermi amigaatinik arlalinnik iluarseeqquillugu peqqusimammagu, aammalu 2017-imi aalajangiineq Naalakkersuisunut maalaarutigineqarsimannngimmat. Taamaattumik aatsitassarsiornermut inatsimmi § 74, imm. 2 naapertorlugu Avatangiisinut Aqutsisoqarfiup aalajanginera GML-imut atuuttussaavoq, aammalu tamatuma kingorna ASN-imut nassuaatip suliarineqarneranut tunngavagineqartussaalluni. Taamaattumik Avatangiisinut Aqutsisoqarfik ASN-imut nassuaammut missingiutip aappaanik pingajuanillu tigusaqarnerminut atatillugu piumasaqaatit ilaannik, 2017-imi apriilimi aalajangiinermut ilaareersunik, kisiannili naammassineqanngitsunik saqqummiussinera pillugu isornartorsiueq naammaginartinneqanngilaq. Oqartussaasut arlaleriarlutik paasissutissanik saqqummiussinissamik imaluunniit misissuinissamik piumasaqartariaqarsimappata matumani a continuous loop” atorneqarsimassanngilaq, qinnuteqartup, tassalu GML-ip peqqussutinik 2017-imi apriilimi aalajangiinermut ilaasunik naammassinninngitsoorneranut piumasaqaatit taakku tunngaveqarpata.

Ataatsimut isigalugu Naalakkersuisut isumaqarput, ASN-imut nassuaatip akuerineqarnissaanut qinnuteqaammik suliaqarnerup tamarmiusup ukiunik arlalinnik sivisussuseqarneranut akisussaaffik annertoorujussuaq GML-ip tigummisariaqaraa, GML peqqutigineqartunik iluarsiinngitsoorsimammat. GML imaluunniit GML-ip siunnersortai suut pisariaqartinneqarnersut naliliisussaanngillat, tassalu naliliinernut, kalaallit oqartussaasuinit piginnaanilinnit aalajangersarneqarsimasut atornagit.

Naalakkersuisut Avatangiisirut Aqutsisoqarfíup ASN-imut nassuaatinik  
akuersinissamut qinnuteqaatini allani suleriaaserisimasai misissorpaat, tassanilu  
paasivaat Avatangiisirut Aqutsisoqarfíup GML-ip ASN-imut nassuaammut  
missingiusiaanik suliaqarnermini GML-ip kinaassusersiorfigineqarluni  
assigiinngisitsivigineqarsimanngitsoq. Kisiannili GML-ip suliassai ujaqqat  
annertoorsuit piliarneqarnerinik, tatsimut Narsap eqqaaniittumut sinnikunik  
inissiinissamik, pingaartumillu ujaqqanik radiup qinngornerinik akulinnik  
piianissamik ilaqlernerat eqqarsaatigalugu Avatangiisirut Aqutsisoqarfík  
piumasaqaatinik naammaginartunik naapertuuttunillu aalajangersaasimavoq.

Naalakkersuisut maluginiarpaat GML-ip aamma GML-ip siunnersortai  
isumaqartut, uran-imit aamma thorium-imit piliarneqartussamit radiup  
qinngorneri annikitsuinnaasut, taamaattumillu suliassaq pisariusorsuunngitsoq.  
Taamatut isummerneq Naalakkersuisunut annilaangalersitsivoq, aammalu ASN-  
imut misissuinermut tunngatillugu suliassat allattorsimaffiat pillugu  
tusarniaanermi GML-ip saqqummiussaanut uniuulluni. Naalakkersuisuniit  
suliassat allattorsimaffianni imm. 3.3 innersuussutigineqarpoq, tassanilu aamma  
oqartussaasut oqaaseqaataat annertuut issuarneqarput, imm. 5.5, 6.10, 7.9 aamma  
10.3.

Naalakkersuisut Nunani Tamalaani Atomimik Nukissiuuteqarnermi  
Sullissivimmut (IAEA) aamma nunani tamalaani innuttaasut eqqarsaatigalugit  
maleruagassat, IAEA-mut isumaqatigiissutini aalajangersarneqarsimasut  
malissallugit pisussaaffeqarput, aammalu aatsitassarsiorissaq taamaallaat  
pisinnaavoq, danskit Folketingiat inatsimmut immikkut ittumut  
akuersisimammata, tassalu inatsit nr. 621, 8. juni 2016-imeersoq, atortunik  
radiup qinngornerinik akulinnik eqqisisimsumik atuinissamik nakkutilliineq  
pillugu Kalaallit Nunaannut inatsit. Kiisalu Kalaallit Nuanata ILO-mi  
isumaqatigiissut malittussaavaa, tak. qinngornerit ioninngortitsisartut pillugit  
aamma qinngorernut illersuuteqarnissaq pillugu Inatsisartut Inatsisaat nr. 33,  
ulloq 9. december 2015-imeersoq. Kuannersuarmi aatsitassarsiorfissami piiakkat  
aammalu taakku sinnikuisa inatsisit malillugit isumannaatsumillu  
passunneqarnissaat qulakkeerniarlugu maleruagassat taakku  
akuersissutigineqartariaqarsimapput.

Naalakkersuisut erseqqissaatigaat inatsit malinnejartussaasoq.

Kiisalu Naalakkersuisut isumaqarput, GML-ip tusarniaanermi mail-erutaani, 17.  
juni 2019-imeersumi Søren Hald Møller siunnersuisimanerarlugu  
innersuussiviusumik oqaaseqaataa eqqunngitsoq, taamani Søren Hald Møller  
2015-imi februarip kingorna Aatsitassaqarnermi Avatangiisirut  
Aqutsisoqarfímmut akisussaasuujunnaareersimammatt.

Naalakkersuisut maluginiarpaat, GML akuttunngitsumik atorfilinnut  
nuimanerusunut imaluunniit Naalakkersuisuni ilaasortanut, Aatsitassaqarnermi  
Avatangiisinut Aqutsisoqarfíup aqunneqarneranut akisussaaffeqanngitsunut  
saaffiginnittartoq, saaffiginnissutillu taakku Avatangiisinut Aqutsisoqarfíup  
aalajangiinerisa atorsinnaanerinut nalornilersitsinissamik siunertaqartut.  
Naalakkersuisunit tamanna akuersaarnartinneqanngilaq, aammalu GML  
qinnuigineqarpoq, siunissami taamatut suleriaaseqarneq unitseqqullugu.

Inussiarnersumik inuulluaqqusillunga



Kim Kielsen  
Naalakkersuisut Siulittaasuat



Mette Skarregaard Pedersen  
Naalakkersuisoqarfímmi pisortaaneq  
Pinngortitamut Avatangiisinullu Naalakkersuisoqarfík